



basic education

Department:
Basic Education
REPUBLIC OF SOUTH AFRICA

NATIONAL ASSESSMENT GENERAL EDUCATION CERTIFICATE (GEC)

2022 GRADE 9 PILOT STUDY

Sifundvo: Siswati Lulwimi Lwasekhaya

Emamaki: 70

Sikhatsi: 120 Emaminitsi

Lesivivinyo sinemakhasi la-**26** ngaphandle kwelikhasi leliyikhava.

Ticondziso kumfundzi

1. Fundzisisa kahle tonkhe ticondziso kanye nemibuto.
2. Phendvula yonkhe imibuto.
3. Sebentisa incwadzi yekuphendvulela lonikwe yona kubhala tonkhe timphendvulo takho.

Sivivinyo sicala ekhasini lelilandzelako.



Ungaphenyi likhasi ngembi kwekutsi utjelwe kutsi wente njalo.

SIGABA A

Umbuto 1: I-Athikili yeliphephandzaba

Fundza lethekesthi lengentasi bese uphendvula imibuto lebutiwe.

“The Boy Who Harnessed the Wind”

- 1 *The Boy Who Harnessed the Wind* yindzaba leluciniso, letfokotisako nalekhutsatoko lemayelana nemfana nje lebeketayelekile wase-Afrika lowakha siphehlamoya asebentisa tinsalela tetinsimbi kwakhela umphakatsi wakhe wonkhe gesi.
- 2 William Kamkwamba watalelwa eMalawi, eveni lapho kwakubusa khona umlingo kantsi isayensi yayiyimfihlakalo. Bekulive lebelingenamphilo ngenca yesomiso nendlala, indzawo lapho khona kwakumatima kutfola ematfuba nematsemba. Kepha William abefundze mayelana netiphehlamoya encwadzini lebitwa ngekutsi *Kusebentisa Emandla*, wabe sewuba neliphupho lekwakha sinye lesasitawuletsa gesi nemanti edolobhaneni lakubo nekugucula indlela laphila ngayo nalabo labakhelene naye. Bomakhelwane bakhe lebebanekungabata baba nekumhleka babuye bambita ‘misala’ (luhlanya) kepha William abetimisele kubakhombisa lokungentiwa tincetwana nekutimisela.
- 3 Asakhangwe yimisebenti yagesi njengemfana, William abefuna kufundza isayensi esikolweni sekuhlala lesisezingeni lelisetulu saseMalawi. Kepha nga-2002, live lakhe lahlaselwa somiso lesashiya lipulazi lemndeni wakhe libhujisiwe nebatali bakhe sebaphelelwe litsemba. Bangasakhoni kukhokha imali yemnyaka yetifundvo takhe yekufundza lengemadola lasiphohlongo. William waphoceleleka kuyekela sikolo wase usita umndeni wakhe kutfungatsa kudla njengobe tinkhulungwane eveni lonkhe tabulawa yindlala.
- 4 Umcabango wakhe usandzindza, William wala kuyekela emaphupho akhe. Angenako ngisho kudla lokungalingana sandla esiswini sakhe, nemcudlwana wemabhuku etesayensi lasakhohlwakala kanye nalokukhulu kulangatelela lwati, wagcila kulusu lelibanti lekuletsela umndeni wakhe tindlela tekunetseteka. Kunetseteka ngagesi, nemanti lageletako bekutsatfwa

njengesidzingo ngebantfu baseNshonalanga labanenhlanhla kakhulu, noma kunjalo, ngemaphesenti lamabili kuphela ebantfu baseMalawi labangakhona kuba naso. Asebentisa tinsalela tetinsimbi, emalunga (emaphatsi) abogandaganda netincenye temabhayisikili, William wakha siphehlamoya lesilula kepha lesisebentako. Kwakusakhiwo lesasingacatjangwa sekuticambela nalesasisimangaliso lesincane lebesinemalambu lamane lakhanyisako. Lesiphelele lesinetinkinobho tekukhanyisa tekutentela, kanye nesekehethi yagesi leyakhiwe ngetipikili netintsambo. Umshini wesibili wahambisa siphehlamanti lebesingalwisana nendlala nesomiso.

- 5 Ngekushesha, tindzaba taWilliam 'magetsi a mphepo' (gesi wakhe wemoya') tabhebhetheseka ngesheya kwemincele yelikhaya lakubo, kwatsi lomfana lowake wabitwa ngeluhlanya waba litsemba ebantfwini emhlabeni wonkhe jikelele.
- 6 Lena yindzaba lemangatako ngelikhono lebantfu lekusungula nemandla alo ekulwisana nebulukhuni lobumangalisako. *The Boy Who Harnessed the Wind* itawugcugcutela nalomunye longabata emandla elikhono lalomunye umuntfu lekugucula umphakatsi wakhe nekwenta ncono timphilo talabo labakhelene naye.



Isuselwe ku-: https://www.bookbrowse.com/reviews/index.cfm/book_number/2351/the-boy-who-harnessed-the-wind

1.1 Walutfolana njani William lwati lwekwakha siphehlamoya?

- A Wafundza ngako esikolweni.
- B Wacwaninga ngako ku-inthanethi.
- C Wafundza ngako encwadzini.
- D Waphupha ngako ngalobunye busuku.

(1)

1.2 Ngukuphi kuletintfo letilandzelako William **langatange** atisebentise kwakha siphehlamoya?

- A Tinsalela tetinsimbi
- B Emalunga agandaganda
- C Emalambu lamane
- D Tincenye telibhayisikili (1)

William waphoceleka kutfungatsa kudla kwemndeni wakhe. (Indzima 3)

1.3 Kutfungatsa ku ...

- A -tsenga
- B -eba
- C -cinga
- D -enta (1)

1.4 Kukangaki iMalawi ihlangabetana nesomiso?

- A Ngetikhatsi temnyaka
- B Malanga onkhe
- C Ngalokungakavami.
- D Akutange. (1)

1.5 Ngubuphi bufakazi lobukhona lobukhomba kutsi William abephokophele?

- A Wayekela sikolo.
- B Wala kuyekela liphupho lakhe.
- C Abefuna kufundza isayensi.
- D Abehlala epulazini. (1)

1.6 Wasakhelani siphehlamoya William?

- A Abefuna umndeni wakhe utichenye ngaye.
- B Abefuna kutfutukisa timphilo temphakatsi wakubo.
- C Abefuna kukhombisa bomakhelwane bakhe kutsi angakhona.
- D Abefuna kwenta imali yesikolo. (1)

Buka ku- 'bomakhelwane lababenekungabata'. (Indzima 2)

1.7 Bomakhelwane bebacabangani ngemacebo aWilliam ekwakha siphehlamoya?

- A Bebanekuhlonipha.
- B Bebanekusola.
- C Bebajabulile.
- D Bebakhatsatekile. (1)

1.8 Ucabanga kutsi William wativa njani nakumele ashiye sikolo?

- A Agcugcutelekile
- B Anelitsemba
- C Anekwesaba
- D Aphocekile (1)

1.9 Ngusiphi sinongo senkhulumo lesisebentile 'Umcabango wakhe usandzinda'?
(Indzima 4)

- A Sifanamsindvo
- B Kumuntfutisa
- C Sifaniso
- D Sifutamsindvo (1)

‘lapho kwakubusa khona umlingo kantsi isayensi yayiyimfihlakalo’. (Indzima 2)

1.10 Lomushwana longenhla wakha muphi umcondvo ngebantfu baseMalawi?

- A Basimanjemanje
- B Bakholelwa kutinkholelolite
- C Bayahlanya
- D Bakholelwa kutimfihlakalo (1)

1.11 Lomushwana lotsi ‘lesimangaliso lesincane’ siletsa muphi umcondvo ngalesiphehlamoya? (Indzima 4)

- A Sasingakholelweki.
- B Sasisakhiwo lesilula.
- C Sasingakakhelwa kutsi sisebente sikhatsi lesidze.
- D Sasingesi sikhulu kakhulu. (1)

1.12 Khetsa umusho loliciniso ngekwaletheksthi.

- A Wonkhe umuntfu uyati kutsi emaphupho aWilliam awanamcondvo.
- B Bonkhe bantfu baseMalawi batfokotela kunetseteka ngagesi nemanti lageletako.
- C William watsenga tinsimbi nemalunga abogandaganda kute akhe tiphehlamoya.
- D Imibono yebantfu ngaWilliam yagucuka emva kwesakhiwo sakhe sesiphehlamoya. (1)

1.13 William wehluke ngani kulolunye lusha lwase-Afrika?

- A Akatsembani futsi utsatselana phasi.
- B Uyaphokophela abuye afune kwati tintfo.
- C Akacabangi kahle nekutsi uticabangela yena yedvwa.
- D Uyaticambela abuye atikhutsate yena ngekwakhe. (1)

- 1.14 Kuchaza kutsini ngaWilliam kutsi ‘inhloko yakhe isahlomeke emafini’?
(Indzima 4)
- A Bekamudze kakhulu.
 - B Bekakundizamshini.
 - C Bekanemaphupho.
 - D Bekakhashane kakhulu. (1)
- 1.15 Nguyiphi inhlanguanisela yemagama leyedlulisa ngemphumelelo umtselela wesomiso kulena lelandzelako?
- A shayekile, khungatsekile, bunile
 - B khungatsekile, khutsatako, phawulekako
 - C timisela, matima, shayekile
 - D ngabateka, bunile, kuphelelwa litsemba (1)
- 1.16 Ngumuphi umusho lofinyeta kancono umlayeto walesiceshana?
- A William wakha siphehlamoya kusita umndeni wakhe kutsi ujabulele kunetseteka ngagesi.
 - B Liphupho laWilliam lekutfutukisa timphilo temndeni wakhe lasita umphakatsi wonkhe.
 - C William kwadzingeka kutsi atfole indlela latawudvuma ngayo ngemuva kwekuyekela sikolo.
 - D William wakhetsa kukhombisa banfuo kutsi benta kabi kumbita luhlanya. (1)
- 1.17 ‘*The Boy Who Harnessed the Wind*’ kubhalwe kwatjekiswa kukhomba ...
(Indzima 1)
- A Sihloko sencwadzi.
 - B Kucaphuna lokucondzile
 - C Ngumusho lomalulekile.
 - D Yinchazelo ngaWilliam. (1)

1.18 'tincetwana nekutimisela' kusitjelani ngaWilliam? (Indzima 2)

- A Bekahlala angcolile futsi anemhlabatsi.
- B Bekasebenta epulazini.
- C Bekasebenta kamatima futsi aphikelela.
- D Bekavilapha futsi anganandzaba. (1)

1.19 Umbhali uwugucula njani umbono wemfundzi ngaWilliam?
Uchaza William njengalo ...

- A ngabatako.
- B khutsatako.
- C phelelwe litsemba.
- D wetayelekile. (1)

1.20 Lencwadzi letsi "*The Boy Who Harnessed the Wind*" ibhalelwe tiphi
tetsamelilwati?

- A Bafundzi labajabulela tindzaba letimayelana nemapulazi.
- B Bafundzi labatsandza kufundza ngebantfu labahlanyako.
- C Bafundzi labaphupha ngesomiso
- D Bafundzi labatsandza tindzaba letikhutsatako (1)

1.21 Lenkhulumo letsi 'bekumatima kutfolala litsemba nematfuba' iyigucula njani imiva
yebafundzi? (Indzima 2)

- A Bafundzi bativa bavelana nebantfu baseMalawi.
- B Bafundzi beva batfukutselela bantfu baseMalawi.
- C Bafundzi bativa bagcugcuteleka ngebantfu baseMalawi.
- D Bafundzi bativa banelitsemba ngebantfu baseMalawi. (1)

1.22 Ngumiphi imishwana leyedlulisa umoya loneluvulo kulena lengentasi?

- A 'tincwadzi tesayensi lesetalibaleka'
- B 'emandla ekuncoba bulukhuni'
- C 'kunetseteka ngagesi nemanti lageletako'
- D 'kushiya lipulazi lemndeni wakhe likhungatsekile' (1)

1.23 Kusungula kwaWilliam kungenta iMalawi ibe yindzawo lencono ngayiphi indlela esikhatsini lesitako?

- A Bekutawuba nekuncishiswa kwesomiso.
- B Bekutawuba nemanti ngetikhatsi sesomiso.
- C Bantfu bebangeke basakholelwa emilingweni.
- D Bantfu bebayokholwela emaphusheni aWilliam. (1)

1.24 Yini inhloso yendzima 1?

- A Kwakha kujatjulelwa kwetiphehlamoya.
- B Kwakhela umphakatsi wakhe wonkhe gesi.
- C Kwakha siphehlamoya ngetinsalela tetinsimbi.
- D Kuveta inshisekelo kutheksthi. (1)

1.25 Ngusiphi siphetfo lesingavetwa kuletheksthi?

- A Kuyekela sikolo kungakusita kutsi ube nelikhono lekutikuticambela.
- B Kuphokophela nekusebenta matima kungagucula timphilo.
- C Kusetjentiswa kabusha kwetintfo letilahliwe kungatfutukisa imvelo.
- D Kukhombisa bantfu emaphutsa abo kubaluleke kakhulu. (1)

[25]

Umbuto 2: Takhi netimiso telulwimi

Fundza lethekesthi lengentasi bese uphendvula imibuto lehleliwe.

Greta Thunberg utsi, "Indlu yetfu iseMlilweni



- 1 Greta Thunberg watalelwa eStockholm, eSweden, nga-2003. Greta bekayitfombatane letitfobile lebeyingasho lokunyenti esikolweni, kuba nemahloni kwakhe kwamenta kutsi ahlukunyetwe ngulabanye bantfwana. Kwaba kubi kakhulu ngangekutsi Greta wacindzeteleka kakhulu waze wayekela nekudla. Walahlekelwa sisindvo kakhulu kantsi ngabe wagcina afile kube batali bakhe abazange batfole bodokotela lababochwepheshe labaneluhlelo lekwelapha lolwasebenta. Make nababe wakhe bamtfolela sikolo lesisha, nekutfolela bangani labasha kwamsita kutsi alulame aphindze abe nenshisakalo emhlabeni wonkhe jikelele.
- 2 Greta wacala kufundza ngekugucuka kwesimo selitulu aneminyaka le-8 budzala. Wafundza kutsi i-carbon dioxide (CO₂) ngulenywe yemagesi labangela kufutfumala kwemhlaba. Ngalesikhatsi afundza kakhulu abeya ngekuya akhatsateka.
- 3 Wonkhe umuntfu bekakhuluma tintfo letilungile, kepha akekho lobekenta tintfo letilungile. Ngisho nangalesikhatsi asesemncane, imiphumela leyingoti yekufutfumala kwemhlaba yamkhatsata wate wancuma kwenta lokutsite ngako.
- 4 Bekevile ngebasebenti labaya esitelekeni bafuna kukhokhelwa kancono, wabuye wacabanga bafundzi labangenela siteleka bafuna kutsatfwe tinyatselo letinyenti ngalokumelelene nekugucuka kwesimo selitulu. Watjela bangani bakhe ngemibono yakhe, kodvwa akekho kubo lowabonakala anenshisakalo yekumlandzela. Esikhundleni sekuyekela, Greta wenta luphawu lolukhulu wabuye wadvweba ngemibala emagama latsi "Sikolo Sitelekela Kugucugucuka Kwesimo Selitulu" ngesiSwidi. Wabuye wabhalisa ngemshini emaflaya lagcwele emaciniso mayelana nenkinga yesimo selitulu. Ngenyanga yeNgci mhlaka 20, emnyakeni wa2018,

wagibela libhayisikili lakhe waya ephalamende laseSwiden lapho hulumende abehlangana khona. Greta watfola indzawo lenhle yekumisa luphawu wase uhlala phasi emcamelweni wakhe abeke emaflaya akhe eceleni kwakhe.

- 5 Bekaloku acela wonkhe lowedlulako kutsi amtsatse sitfombe abuye asifake ku-akhawunti yakhe yethwitha. Nanoma waba nebalandzeli labalinganiselwa kulabangemashumi lamabili kuphela, kwabuye kwafakwa kabusha kuthwitha tikhatsi letinyenti. Emalangenani lambalwa bese enta ema-inthavyu netintsatseli, labanye bantfwana bese bamlandzela wabuye wasitwa tishoshovu teGreenpeace nalabanye. Imphilo yaGreta beyingeke ibuye ifane.
- 6 NgeNgongoni 2018, ngemuva kwetinyanga letimbalwa nje acale siteleka sakhe, Greta wamenywa kutsi akhulume kuNkhomfa yaMhlabuhlangene yeKugucuka Kwesimo seLitulu LwaMhlabuhlangene iCOP24 ePholendi. Inhlitiyo yakhe beyishaya ngekushesha njengoba bekaneluvalo alindze kucelwa kutsi akhulume.
- 7 Kusukela kuleyo nkhumo Greta waba sishoshovu lesidvume kakhulu sekugucugucuka kwesimo selitulu emhlabeni wonkhe. Waba Ngumuntfu weMnyaka kumagazini we-*“Time”* nga-2019. Tonto takhe tagcugcutela labanye bantfu labasha emhlabeni wonkhe kutsi babe tishoshovu tekugucugucu kwesimo selitulu.

Isuselwe ku-: www.natgeokids.com

Luhlu Lwemagama:

_iThwitha: inkhundla yekuchumana

2.1 Hlobo luni lwelibito 'tinhloni'? (Indzima 1)

- A Libitomvama
- B Emabito etintfo letibonakalako
- C Emabitosimo
- D Emabitongco (1)

'Make nababe wakhe bamtfolela sikolo lesisha, kantsi nekutfolela bangani labasha kwamsita kutsi alulame aphindze ajabulele umhlaba wonkhe.' (Indzima 1)

2.2 Khetsa luhlobo lwemusho lolusetjentsiwe emigceni lengenhla.

- A Lolukhuni
- B Locondzile.
- C Lomagagalala
- D Lolula. (1)

2.3 Ngumuphi mcondvofana weligama 'umhlaba wonkhe'? (Indzima 2)

- A Iplanethi
- B Kubanti
- C Indilinga
- D Incenye (1)

2.4 Nguliphi ligama endzimeni yekucala lelingumcondvophika weligama kutetsemba?

- A 'Ujabulile'
- B 'Unemahloni'
- C 'Uhlukumetekile'
- D 'Ucindzetelekile' (1)

2.5 'Nakuleyo minyaka yasebuncaneni' ngu... (Indzima 3)

- A umshwana losiphawulo/losichasiso.
- B umshwana losandziso.
- C umshwana lolibito.
- D umshawana losento. (1)

Labahlakaniphile betama kuvikela imvelo ... tiwula ticabanga kutsi akunasimo semvelo lesibucayi.

2.6 Gcwalisa sikhala lesingenalutfo emushweni loniketiwe ngesihlanganisi lesifanele.

- A ngako-ke
- B Kantsi
- C noma ngabe
- D ngaphandle kwe (1)

'Wagibela libhayisikili lakhe waya ephalamende yaseSwidi lapho hulumende bekahlanganela khona. (Indzima 4)

2.7 Ligama 'yaseSwidi' njengobe lisetjentiswe emshweni ngabe lisitfo sini senkhulumo?

- A Bondzaweni
- B Sichasiso
- C Sandziso
- D Sento (1)

Tishoshoivu tekugucugucuka kwesimo selitulu ... banjwelwe kubhikisha ngaphandle kwemahhovisi e-United Nations.

2.8 Khetsa sivumelwano senhloko lesifanele kute ugwalise sikhala kulomusho longenhla.

- A ba-
- B ta-
- C ti-
- D la-

(1)

Sicitsa sikhatsi lesinyenti sikhuluma ngekugucugucuka kwesimo selitulu.

2.9 Khetsa luntjintjo lolufanele lwemusho longenhla lobhalwe ngesibanjalo.

- A Sikhatsi lesinyenti sitawucitfwa ngibo bakhuluma ngekugucugucuka kwesimo selitulu.
- B Sikhatsi lesinyenti sicitfwe sikhuluma ngekugucugucuka kwesimo selitulu.
- C Sikhatsi lesinyenti sicitfwa ngitsi ngekukhuluma ngekugucugucuka kwesimo selitulu.
- D Sikhatsi lesinyenti sacitfwa kukhuluma ngekugucugucuka kwesimo selitulu.

(1)

Wacabanga ngebafundzi labangenela siteleka bafuna kutsatfwe tinyatselo letinyenti ngekumelana nekugucugucuka kwesimo selitulu. (Indzima 4)

2.10 Itsini inchazelo yeligama lelitsi 'siteleka' njengoba lisetjentiswe kulomusho loniketiwe?

- A Lokwentiwa ngumbane nakudvuma litulu.
- B Kushaya umuntfu ngesandla.
- C Kwala kuya esikolweni.
- D Kuhlasela emphini ungakanaki.

(1)

Tishoshoivu tekugucugucuka kwesimo selitulu tifuna kubhikish-... umehluko

2.11 Khetsa sijobelelo lesifanele kucedzela ligama lelidvwetjelwe.

- A -ana
- B -ela
- C -isisa
- D -eka

(1)

Greta ...ngumtumbo wekugucugucutela bantfu labasha kusukela aneminyaka le-8 budzala.

2.12 Nguyiphi indlela lefanele yesento lesitawufanela lomusho longenhla?

- A beka-
- B waba-
- C u-
- D Utawuba-

(1)

'Wenta luphawu lolukhulu wabuye wadvweba emagama latsi "Sikolo Sitelekela Kugucugucuka Kwesimo Selitulu" ngelulwimi lwesiSwidi' (Indzima 4)

2.13 Kungani lamagama latsi "Sikolo Sitelekela Kugucugucuka Kwesimo Selitulu" afakwe kubokhulunyiwe?

- A Kukhomba inkhulumo lecondzile
- B Kukhomba liphuzu
- C Kukhomba kucaphuna
- D Kukhomba sihloko

(1)

Greta wahlukunyetwa esikolweni, loko kwamenta kutsi abe nesifo sendlala.

2.14 Hloboluni lwesabito leligama lelidvwetjelwe?

- A Sekukhomba
- B Sekubuta
- C Selinani
- D Selucobo

(1)

Kuba nguMuntfu weMnyaka we-‘*Time magazine*’ kwaba ... lemangalisako ku Greta.

2.15 Khetsa ligama lelibhaleke kahle kute ucedzele lomusho longenhla.

- A Yimphumelelo
- B Kuphumelela
- C Ngumphumela
- D Phumelela

(1)

2.16 Khetsa umusho lobhaleke kahle ngesikhatsi sanyalo.

- A Greta, kanye nababe wakhe, batawube baya emhlanganweni wekugucugucuka kwesimo selitulu kulobusuku.
- B Greta, kanye nababe wakhe, baya emhlanganweni wekugucugucuka kwesimo selitulu kulobusuku.
- C Greta, kanye nababe wakhe, bebaya emhlanganweni wekugucugucuka kwesimo selitulu kulobusuku.
- D Greta, kanye nababe wakhe, waya emhlanganweni wekugucugucuka kwesimo selitulu kulobusuku.

(1)

"Greta, kungani uvakala ucindzeteleke kangaka namuhla?" Wabutwa.

2.17 Khetsa umusho lobhalwe kahle ngenkhulumombiko.

- A Wabuta Greta kutsi kungani avakala acindzeteleke kangaka namuhla.
- B Wabuta Greta kutsi kungani avakale acindzeteleke kangaka kulolusuku.
- C Wabuta Greta kutsi kungani avakale acindzeteleke kangaka itolo.
- D Wabuta Greta kutsi kungani abevakala acindzeteleke kakhulu ngalelo langa.

(1)

2.18 Nguyiphi inkholelolite lemayelana nelusha Greta layiphosela inselela?

- A Lusha alutinaki tindzaba temhlaba wonkhe.
- B Lusha lusebentisa tinkhundla tekuchumana kugcugcutela
- C Lusha luyatikhukhumeta futsi luyatibophetela
- D Lusha lutisulu tekuhlukunyetwa.

(1)

Greta wedlulisa lwati lwakhe ...-shosovu letihambisana naye kuthwitha.

2.19 Khetsa ndzaweni lofanele kucedzela lomusho.

- A kubo bonkhe
- B kuto
- C emkhatsini we
- D kuti-

(1)

2.20 Itsini inchazelo yesisho lesitsi, 'kutsatfwe tinyatselo?

- A Kuhamba kakhulu.
- B Kwenta imitamo nobe taba tekulungisa/ kusukumela lokutsite.
- C Kutsatsa tinyawo.
- D Kubutsa umhlaba lapho kunyatselwe khona.


(1)

[20]

Umbuto 3: Sibonwa

3.1. Sikhangisi

Fundza lethekesthi lengentasi bese uphendvula imibuto lebekiwe.



3.1.1 Utsini umlayeto waletheksthi?

- A Yekela kuhlukumeta.
- B Khomba umusa/buntfu.
- C Sekela simo sengcondvo.
- D Khutsata kuphepha esikolweni. (1)

3.1.2 Ucondziswe kuyiphi imakethe lomdvwebolwati?

- A Bahlengikati
- B Bothishela
- C Basebenti
- D Bafundzi (1)

3.1.3 Kungani esihlokweni kubekwe sitfombe?

- A kugcwalisa sikhala esihlokweni
- B kucinisa umyaleto wesihloko
- C kukhombisa sicubulo semtsengisi/umkhangisi
- D kukhangisa imisebenti yesikolo (1)

3.1.4 Ngusiphi sinongo senkhulumo lesisetjentiswe esihlokweni lesitsi 'Umusa Uyasebenta'?

- A Kumuntfutisa
- B Sihabiso
- C Sifaniso
- D Siphukuto (1)

3.1.5 Lesitfombe lesingentasi kuletheskthi sikhombisa kutsi umusa utfutfuka njani ngemphumelelo ...

- A ingcabano.
- B kutijabulisa.
- C kubambisana.
- D budlova.

(1)

[5]

SIGABA B

3.2: Ikhathuni

Fundza lethekesthi lengentasi bese uphendvula lemibuto lesethiwe.



Source: Mail & Guardian

3.2.1 Lekhathuni yenteka kuyiphi indzawo? (1)

3.2.2 Ngubani umlingisi lokhuluma efremini 1? (1)

“Ngabe wenta loko vele?” (Ifremu 1)

3.2.3 Ngabe ligama lelitsi “loko” licondziswe kuphi? (1)

3.2.4 Ngikuphi lokuphukutako ngetento talona loshayelako? (1)

3.2.5 Chaza kutsi kwentekeni kufremu 4? (1)

3.2.6 Utiva njani umgibeli kufremu 3?

Nika luphawu lolubona kusibonwa kusekela imphendvulo yakho. (2)

3.2.7 Ngumuphi umlayeto lowedluliswa ngulekhathuni? (1)

3.2.8 Ucabanga kutsi umshayeli ngabe wamlalela umgibeli?
Sekela imphendvulo yakho. (2)

[10]

Umbuto 4: Sifinyeto

Fundza lesiceshana bese ufinyeta **ngendlela yekukhetsa tifundvo letifanele temabanga 10-12** ngekulandzela leticondziso letilandzelako:

1. Nika luhlu lwemaphuzu LASIKHOMBISA ngemisho legcwele.
2. Bhala tinombolo temisho yakho kusuka ku-1 kuya ku-7.
3. Bhala liphuzu LINYE kuphela kumusho ngamunye.
4. Sebentisa emagama AKHO ngalokuphelele.
5. Sifinyeto sakho asibe nebudze lobungemagama la- 70-80.
6. Khombisa linani lemagama lowasebentisile kubakaki ekugcineni kwesifinyeto.
7. Akukadzingeki kutsi ubhale sihloko sesifinyeto sakho.

KUKHETFWA KWETIFUNDVO EBANGENI LE- 9

Etinyangeni letimbalwa letitako, bafundzi belibanga le-9 kutawumele bakhetsa tifundvo labatawufuna kuchubeka ngato kusukela ebangeni le-10 kuya kuluhlolo lwabo lwamatikuletjeni. Loku kungaba ngumsebenti lolula kulabanye kepha kulabo labangenaso siciniseko ngalabafuna kukufundza ngemuva kwekucedza matikuletjeni, lekumele batibophetele etifundvweni letitsite kungaba ngulokwetfusako. Nanobe imfundvo yabo yemazinga lasetulu iseneminyaka leminyenti lekhashane, kucabanga mayelana netifundvo letifanele labangatikhetsa nyalo, kungacondzisa likusasa labo nangalokubanti kungacacisa ngemisebenti yabo yelingemuso. Claudia Swartberg, CEO of Top Dog, uchaza ngeticondziso tekusita ngekukhetsa tifundvo ebangeni le-9.

Bafundzi kufanele bachumane netinjulabuchopho tetemfundvo letingabachazela kabanti ngekutsi umhlaba wetemisebenti ulindzeleni, nekutsi bangatenta njani tincumo mayelana naloko lokulindzelwe kubo ngalelinye lilanga. Kukhulumisana nebacondzisi basetikhungweni letisetulu nobe kucwaninga kumakhasi emawebhu asemanyuvesi nobe asemakolishi langaba lusito. Ngalandlela umfundzi angatfoli umcondvo ngetifundvo letikhona netidzingo tato.

Nanobe kukhetsa tifundvo ngekwemsebenti lotawenta ngalokutako kubalulekile, kufundza nako kwenta bafundzi bajabule, lokutawuholela ngalokuphelele

emsebentini losimeme nalotawuletsa injabulo. Bafundzi akufuneki bakhethise tifundvo ngekutsi tifundziswa ngubani njengobe bothishela bantjintjantjintja ngobe kungenteka loyo thishela kungenteka angachubeki kubafundzisa ebangeni le-11 nobe le-12.

Njengobe lokutsandvwa bafundzi kungahlala kuntjiintja ngetikhatsi, kubalulekile kucinisekisa kutsi tifundvo labatikhetsako atibavimbeli ekukhetseni ngalokutako. Tibalo ngalokukhetsekile tisidzingonchanti sayo yonkhe imigudvu leyetayelekile, njengeticu Tekuhweba, Bunjiniyela neSayensi kungaba kukhetsa kahle kucinisekisa kuba nalamatfuba ngalokutako kulikusasa labo.

Bafundzi kumele bangajaki kepha batsatse tincumo kahle ngekuba phasi nangekucabangisisa lokujulile. Bafundzi bayayalwa kutsi bacale kukhetsa tifundvo kahle kusukela basacala libanga le-9 kepha kungaba kuhle futsi nabasacala libanga le-8.

Isuselwe ku-: <https://www.IOL.co.za/education>

[10]

Kuphela kweSivivinyo

